



# Dhibbu Dana

Leveled



Sidaamu Afoo



Kuni irkisaanchu maxaafi ‘USAID’inni afi’nonni woxu irkonni  
‘Save the Children’i, Rosu Ministerenna Wodiidi Daga  
Dagoominna Manni Qoqqowu Mangiste Rosu Biiro mittimmate  
sumiimmenni qixxaawe attamamino.

2009 M.D



**USAID**  
FROM THE AMERICAN PEOPLE



**Save the Children**



The CC By license lets others distribute, adjust, and build upon this work, for free or commercially, as long as credit is given to the original creation. However, any changes from the original must be indicated.

For more info please refer: <https://creativecommons.org/licenses/>



# Dhibbu Dana

Kifile 3

Lamala 2



## Qaagiishsha

Aante shiqqino niwaawe (dhagge) illachishshannohu nabbawate huwato aanaati. Niwaawete albaanninna gedensaanni noo xa'mo dawartannota xawisatenni niwaawete mereero shiimare taxxi yitanni nabbabbinore xaphi assidhanno gede kaayyo uyiyyensa. Rosaano niwaawe nabbawate albaanni konni albaanni affinore kultanno gede xa'matenni jawaachishshensa. Konni garinni rosaanonnita niwaawe nabbawate hasatto kakkayissinihu gedensaanni niwaawe nabbawa hananfona. Rosaano irkissinanni baali, xa'muwa dawarate rosaano baala beeqqo assitanno gede jawaachishshensa. Uytanno dawarono haadhinanni taashshi'ri-tumo uyiyyensa.

### Nabbawate Albiidi Xa'mo

Biddissa: Niwaawe nabbawakkira balaxxe tenne woriidi xa'mo dawarate wo'naali.

1. Bisu aana gawajjo abbanno dhibba affinoonniha kultinannie?
2. Ganshunna shekkeerete dhibbira kaima ikkannori maatinna maati?
3. Miteekke shekkeeretenna godowa gobbara qolanno dhibbi amadiro maa assa woyyitannoha lawannohe?



## Lawaawanno Dhibba

Bisu fayyimma gawajjitannori addi addi dhibbi no. Babbaxxino dhibbi giddo ganshu, shekkeerenna godowa gobbara qolanno dhibbi egennantinoreeti.

Mittu mittunku uminsa kaima afidhe lawaabbe mittuwiinni wolunniwa sa'anno. Amaddurono gawajjitanno

deerri babbaxxanno. Mittu mittunkuha  
kaimansanna qorowote doogga bade afa  
fayyimmatenni hee'rate kaa'litanno.

Konni daafira, kuri qummi assini dhibbi  
mayimma kaimansa afa hasiissanno.

Qoleno, qorophinanni dooggare bade  
egennanna gargadha dancha ikkitanno.

Mayimmansa, kaimansanna  
taraabbanno doogga bade egenna  
qorophotenna gargarooshsheho  
kaa'litannote. Qorophanna gargadha  
dandiiniro, fayyimmatenni hee'rate  
dandiinanni.

## Ganshu Dhibba

Ganshu dhibbi vayiresete kaiminni kalaqamanno dhibbaati. Amadiro buusiisannonna sandiiddisannoho. Konnira, sanonna kokke gawajjannoho yaate.

Sandiiddisannohura sanote qaccenna giddoyidi madi'raranna luqqa"ara dandaanno. Buusiisannoha ikkiro kokke shaangitaranna qoonqo donditara dandiitanno.



Ganshu dhibbira kaimu addi addiha  
ikkara dandaanno. Lawishshaho, arro  
buko ka'anno yannara xeenaa ganiro  
ka"anno fooli gansho amadisiisanno.



Mite mite yannara ishinu duuname  
sholino dargi foole abbannohura  
ka'anno bowanyenni ganshu amadara  
dandaanno. Ganshu lawaawanno  
dhibbaati.

Vayiresetenni kalaqamannoha  
ikkinohura ayyaretenninna  
kikkisamatenni lawaawanno. Buunsanni  
yannara ayyarete giddoonni fincame  
wolunniwa iillanno. Kikkisamatenni  
yinannihu ganshu amadinohunna  
keeraanchu anganni udiinnicho  
mitteenni horoonsi'rirooti.

Ganshu dhibba gargadhinanniti addi  
addi doogga no. Hakkuri gidde mitte  
hanxishshote woy buusanote yannara  
afoo hoccunni woy angatenni go'line  
woy alba wirri yee buusa hasiissanno.

Wole widoonni, anga hayishshi'rano  
ganshu lawaambe gatissanno. Qoleno,  
waa, ado, w.k.l angoonni udiinnicho  
hayishshi'ne co'inse horoonsi'ra  
danchate. Hattono, sholino ishine  
kayinsanni woyite sanonna afoo  
keeraanchu hoccinni usudhine kayisa  
hasiissanno.



## Shekkeerete Dhibba

Shekkeerete dhibbi umo amade mannimma qiidise huxisate akata afi'no dhibbaati. Umo damuunsatenni sae mikita daaqisatenni biso bodi'ranno dhibbaati.

Hakkiinnino sae afoo qaraarse kokke cufanno. Sae saeno biso iibbabbishe tushshiishanno.


Shekkeerete Dhibbira kaimu qooxeessu  
co'imma agara hoogate. Kunino, lolahu  
woy dunnoonni wayi kofamiro, hattenne  
kofattora buubbannoti shimmaadda  
kalaqama sirtanno. Kuri giddo biinne  
shekkeerete dhibba abbate qara  
kalaqamaati.

Shekkeere kofattote, gadawehonna  
ishinaamo darga kalaqantanno.  
Hakkiinni fultanni mannu biso qassanni  
mundee xuuxxe saga'litanno. Mitte  
biinnicho duucha manna qassara  
dandiitanno.

Shekkeerete dhibbi mittuwiinni  
wolunniwa lawaawanno dhibbaati.  
Lawaawannohuno, biinnichote  
widoonniiti. Dhiwamaasinete biso qasse  
xuuxxino munde afisera dukke wole  
marte qassanno woyite hakkuyira  
sayissanno.

Konnira, kuni dhibbi mundeete giddo  
karsamatenni keeraancho mancho  
dhiwamanno assanno. Kuni dhibbi  
akka'ma hoongiro reyote iillishanno.

Shekkeerete dhibbi lawaawanni lowo  
manna gawajjannokki gede qorowo  
assanna gargadha hasiissanno.



Lawishshaho, kofatto dhoonse lolahu  
doogosi amade ha'ranno gede assiniro  
biinne kalaqantanno darga hunni yaate.

Qoleno, shamu ishini duunammannowa  
beeshshine hunniro biinne kalaqante  
sirtanno ma'nose diingi yaate.

Hakkiinni sa'niro kiinfanni xagicho  
hidhine qorowotenni qarqaraho kiinfiro  
sirtannokki gede shee gudanno.

## Deeiishshanno Dhibba

Kuni godowa amade gobbara  
qolannonna tushshiishanno dhibbaati.  
Hatto assanno yannara bisoho kaajjille  
kalaqqanno seelenna munde xure  
gudanno.

Urrisikinni deeiishshannonna  
tushshiishannohura wolqa hune  
rahotenni lubbeessannowa iillishanno.

Godowa gobbara qolanno dhibbira kaimu addi addireeti. Lawishshaho, anga hayishi'nikkinni saga'liniro konni dhibbinni amadammanni. Fano galtino sagaleno sammi yine ita konni dhibbira regeccishshanno.

Fano worroonni sagalera teenneno ikko wole kalaqama ofoltaranna aanansa noo ishine tugge aanaanni sa'ara dandiitanno. Hayishshinoonnikki udiinnichira sagale worre intiro harfaamu baakteeriyi hee're dhibba abbanno. Kuni baalu konni dhibbira kaima ikkannoreeti.





Godowa gobbara qolanno dhibbi  
mittuwiinni wolunniwa lawaawanno  
Dhibbaati. Lawaawannohuno  
fooolunni woy ayyaretenni ikkikkinni  
kikkisamatenniiti. Hayishshi'noonnikki  
anganni sagale intiro godowaho seya  
hogganno.

Inte ka'niro godowa ga'me wacama  
hanafanno. Anga hayishshi'nokki  
manchi ledo sagale intiro hatto angate  
kikkisama xaddannohura taraawate  
doogo kalaqantanno.

Godowa gobbara qolanno dhibba  
lawaawannokki gede qorowo assinanni  
doogga no. Kuriuu gidde mitte  
shumatewiinni hinganni woyite anga  
saamununni hayihshi'ra hasiissanno.

Wole, intanna gattino sagale  
heedhuro seekkine dimbe maaxa  
dancha ikkitanno. Togo assiniro  
dhibba abbitanno jarme diheedhanno.  
Qoleno, gattino sagale iibbinshe ita  
keeraanchimmate danchate.

## Assa Hasiissannore

Xaphoomunni, ganshu, shekkeerenna  
godowa gobbara qolanno dhibbi  
lawaabbe shiima yanna giddo duucha  
manna gawajjitanno. Kuri dhibbinni  
amadammiro ranke qaafo adha  
hasiissanno hajo giddo umihu akimete  
minira iillate.

Ganshu amadanno woyte kokke  
mooshanna sandiiddisa hanafanno.  
Tenne yannara ranke viitamine C  
afidhino laalo burtukaanenna loome  
lawinore horoonsi'ra danchate.



Shekkeerete dhibbi malaati leellanno  
woyte ranke akimete minira mara  
hasiissanno. Godowa gobbara  
qolanno dhibbino malaate leellishanni  
hee'reennanni ranke akimete minira  
iilla hasiissanno. Lamunku dhibbi  
ganshunni roore gawajjitannore  
ikkitinohura hakka woyintenni qaafo  
adhiniro iillishshanno jaddonni  
gantanni.

## Nabbawate gedensiidi xa'mo

Biddissa: Aante noo xa'mo niwaawete hedo garinni dawari.

1. Dhagge tini mayinnire kultannote?
2. Niwaawete giddo lawaanno dhibbaati yiniri hiikkuriiti?
3. Ganshu amadiro maricho assa hasiissanno?
4. Mine'ne ikko qarqari'nera kuri niwaawete giddo kayinsi dhibbinni amadammoha affinoonnihu no? Maricho assiniyya?
5. Doogo hadhinanni martine mitto qacha ishinaa'minoha affiniro massitinanni?

